



ხაშურის მუნიციპალიტეტის საკრებულო

განკარგულება № 171

2013 წლის 6 დეკემბერი

ქალაქი ხაშური



„ხაშურის მუნიციპალიტეტის დასახლებებში ქალაქის და სოფლის ზონების დასუფთავებისა და სანიტარული ღონისძიებების, საგზაო ინფრასტრუქტურისა და გარე განათების პროგრამა“ ხაშურის მუნიციპალიტეტის საკრებულოს 2013 წლის 15 მარტის №46 განკარგულებაში ცვლილების შეტანის თაობაზე

„საქართველოს ზოგადი ადმინისტრაციული კოდექსის“ 63-ე მუხლის შესაბამისად

1. შევიდეს ცვლილება და განკარგულების პირველი პუნქტი ჩამოყალიბდეს ახალი რედაქციით: „1. დამტკიცდეს ხაშურის მუნიციპალიტეტის დასახლებებში ქალაქის და სოფლის ზონების დასუფთავებისა და სანიტარული ღონისძიებების, საგზაო ინფრასტრუქტურისა და გარე განათების პროგრამა და დანართი №3 ახალი რედაქციით.“
2. განკარგულება შესასრულებლად გაეგზავნოს ხაშურის მუნიციპალიტეტის გამგეობას.
3. განკარგულება ძალაში შედის არსებული განკარგულების შესაბამისად.
4. ეს განკარგულება შეიძლება გასაჩივრდეს დაინტერესებული პირის მიერ ხაშურის რაიონულ სასამართლოში (მის: ქ. ხაშური, კოსტავას ქ. N15) ერთი თვის განმავლობაში.

საკრებულოს თავმჯდომარე  დავით ლომიძე



პროგრამა

1. ქვეპროგრამის მიზანი:

ქალაქის ქუჩების, დაბა სურამის და მუნიციპალიტეტის დასახლებასთან დამაკავშირებელი შიდა გზების მოვლა-პატრონობა.

2. ქვეპროგრამის ძირითადი მიმართულებები:

ა) ქალაქის პერსპექტიული განვითარებისათვის მნიშვნელოვანია მიმართულებების მუდმივი სრულყოფა ქუჩების დაპროექტების, მშენებლობის და ექსპლოატაციის სფეროში. პროგრესი ქუჩების კეთილმოწყობაში დაკავშირებულია რიგ პრობლემებთან: გრუნტის ყოველმხრივი გამოკვლევა და შესწავლა, მიწის საფარის ჰიდრო და სითბური რეჟიმის კანონების გათვალისწინება, მინერალური მასალების ფართოდ შესწავლა, მოხრეშილი საფარიანი გზების მშენებლობის ტექნოლოგიების გამოკვლევა და სხვა.

ბ) ნორმალური ქუჩა და გზა ხელს უწყობს საავტომობილო ტრანსპორტის განვითარებას. საავტომობილო ტრანსპორტის განვითარება კი განსაზღვრავს ეკონომიკის განვითარების ტემპებს და დონეს. ქალაქის და სხვა ტიპის ტრანსპორტის ფუნქციონირება შესაძლებელია მხოლოდ გზებისა და ქუჩების განვითარებული ქსელის არსებობის პირობებში, რომელსაც გააჩნია ყველა თვისება უსაფრთხო მოძრაობისათვის. როგორც გამოცდილებამ უჩვენა, ნორმალური ქუჩა და გზა დადებითად მოქმედებს ეკონომიკისა და სოციალური დონის განვითარებაზე. ამავ დროს, აქვს უარყოფითი თვისებებიც, რაც დაკავშირებულია დიდი რაოდენობით საგზაო-სატრანსპორტო შემთხვევასთან.

გ) ქალაქ ხაშურს გააჩნია ხელსაყრელი ადგილმდებარეობა ტრანზიტული მიმოსვლის თვალსაზრისით. რეგიონთაშორისი და სახელმწიფოთაშორისი სატრანსპორტო კორიდორის შექმნას განსაკუთრებული ეკონომიკური მნიშვნელობა აქვს არა მარტო ქალაქისათვის, არამედ მთელი რეგიონისათვის. მოვლილი ქალაქის ქუჩები, გზები და ტროტუარები ასევე მნიშვნელოვანია ტურისტული ინფრასტრუქტურის განვითარების თვალსაზრისით.

დ) მოძრაობის უსაფრთხოებისა და მძღოლთა ორიენტაციის უზრუნველყოფის მიზნით გათვალისწინებულია საგზაო ნიშნების დაყენება, ზღუდეების დადგმა, მიმართულებებისა და ჰორიზონტალური და ვერტიკალური ზოლების დატანა ქუჩის ასფალტირებულ საფარზე.

ე) საგზაო ნიშნები და შუქნიშნები მონტაჟდება ისე, რომ ადვილი და თავისდროული გასარჩევი და დასანახი იყოს იმ მძღოლისათვის, ვისთვისაც არის გათვალისწინებული.

3. ქვეპროგრამის განხორციელების გზები:

ა) დიდთოვლობის შედეგად მოსალოდნელი გართულებების თავიდან აცილების მიზნით, ტრანსპორტისა და ქვეითად მოსიარულეთა უსაფრთხო გადაადგილებისათვის განხორციელდება ქალაქ ხაშურში ცენტრალური ქუჩების, ადგილობრივი მნიშვნელობის გზების და მუნიციპალიტეტის დასახლებასთან (თითოეული ტერიტორიული ორგანოში შემავალი სოფლები) დამაკავშირებელი შიდა გზების გაწმენდა თოვლის საფარისაგან და შესაბამისი მოვლა-პატრონობა.

ბ) განხორციელდება ხაშურის მუნიციპალიტეტის ტერიტორიაზე გამავალი მდინარეების (მდ. სურამულა, მდ. ჭერათხელა) კალაპოტის წმენდა და ამოღებული ინერტული მასალების ძირითადი მასა გამოყენებელი იქნება გზების სარეაბილიტაციოდ.

გ) მუნიციპალიტეტის მოთხოვნების შესაბამისად განხორციელდეს გზების რეაბილიტაცია და მოვლა-პატრონობა (გრუნტის მოჭრა-გატანა, მოხრეშვა, მოშანდაკება, მოსწორება, თოვლის საფარისაგან გაწმენდა) და საჭიროებისამებს შეიძინოს აღნიშნული სამუშაოების შესასრულებლად საჭირო მასალები (საწვავი, ქვიშა-ღორღი, ტექნიკური მარილი), რიგ შემთხვევაში მოახდინოს საჭირო მექანიზმების დაქირავება.

დ) მუნიციპალიტეტის მოთხოვნების შესაბამისად გზების სარეაბილიტაციო სამუშაოებზე შედგეს წინასწარი სახარჯთაღრიცხვო დოკუმენტაცია, ხოლო შესრულებულ სამუშაოებზე შესრულებული სამუშაოს აქტი და მიღება-ჩაბარების აქტი შესაბამისი ტერიტორიული ორგანოს რწმუნებულისა და სამუშაოს შემსრულებლის ხელმოწერით დადასტურებული.

4. ქვეპროგრამის განხორციელების მოსალოდნელი შედეგი:

- ქალაქის ქუჩების, დაბა სურამისა და მუნიციპალიტეტის დასახლებასთან (თითოეული ტერიტორიული ორგანოში შემავალი სოფლები) დამაკავშირებელი შიდა გზების სათანადო მდგომარეობაში მოვლა-შენახვა.

5. ქვეპროგრამის დაფინანსების წყარო და სავარაუდო მოცულობა:

- პროგრამა ფინანსდება ხაშურის მუნიციპალიტეტის 2013 წლის ადგილობრივი ბიუჯეტიდან;
- პროგრამის სავარაუდო მოცულობა შეადგენს 172 476 ლარს.

ხარჯების ეკონომიკური კლასიფიკაციის მუხლები	სულ სუბსიდიის ოდენობა
შრომის ანაზღაურება	39 820
საქონელი და მომსახურება	132 656
სულ	172 476

5. ქვე პროგრამის ხანგძლივობა:

პროგრამის მოქმედების ხანგძლივობაა 2013 წლის 22 მარტიდან 2013 წლის 31 დეკემბრამდე.

6. ქვეპროგრამის განხორციელებაზე პასუხისმგებელი ორგანო:

ქვეპროგრამას ახორციელებს არასამეწარმეო იურიდიული პირი „ხაშურსერვისი“, ხოლო მონიტორინგს ხაშურის მუნიციპალიტეტის გამგეობის ინფრასტრუქტურის განვითარების და ტერიტორიის კეთილმოწყობის სამსახური.